



U'ZBEKISTON RESPUBLIKASI  
MILLIY XITOV PALATASI

# Халқ сўзи

Ўзбекистон —  
кељагаги  
буюк  
давлат

1991 йил 1 январдан чиқа бошлаган

E-mail: Info@xs.uz

2008 йил 15 апрель, № 74 (4484)

Сешанба

Хорижий ижтимоий-сиёсий, тахлилий нашрлар ҳамда бошқа оммавий ахборот воситалари Ўзбекистон Республикаси Президенти Ислам Каримовнинг НАТО/Евроатлантика ҳамкорлик кенгаши (СЕАП) саммитидаги нутқини кенг шарҳлашда давом этмоқда.

## ЎЗБЕКИСТОН ТАШАББУСЛАРИНИНГ ЮКСАК ЭЪТИРОФИ

Россиянинг «РИА Новости» ахборот агентлиги Ўзбекистон Президенти Ислам Каримов Бухарестда «Афғонистонда амалга оширилиши ушбу мамлакатдаги вазиятга ижобий таъсир кўрсатиши мумкин бўлган» гоятда муҳим ташаббусларни илгари сурганига эътибор қаратади. «Бугун Ўзбекистон раҳбари фақатгина мулоқот гуруҳи доирасидаги музокаралар жараёнини қайта тиклашни тақлиф этаётгани йўқ, Президент 2001 йилгача фаолият юритган «6+2» мулоқот гуруҳини «6+3» гуруҳига айлантиришни илгари сургани ҳолда унинг доирасидаги музокараларда НАТО ваколатхонаси ҳам, албатта, иштирок этиши лозимлигини назарда тутмоқда. Афғонистонда ушбу ташиқлотнинг қуролли кучлари фаолият юритаётгани ҳисобга олинса, мазкур тақлифнинг моҳияти аён бўлади. Президент Ислам Каримовнинг фикрига кўра, Афғонистондаги вазиятни барқарорлаштириш жараёнида барча манфаатдор томонлар иштирок этаётганига, ушбу мамлакатни қайта тиклаш борасидаги кенг қамровли режа ишлаб чиқиш имконияти пайдо бўлади», дея қайд этади агентлик.

Ўзбекистон раҳбари аҳолининг диний ва миллий-маданий қадриятларини ҳурмат қилиш, камсонли миллатлар манфаатларини ҳумо қилиш ва ушбу масала билан боғлиқ бўлган барча қафолатларни таъминлаш зарурлигини таъкидлади. Бу муҳим талабларни ҳисобга олмасдан Афғонистондаги муаммоларни ҳал этиш, мамлакатда тинчлик ва ҳавфсизликни таъминлаш мумкин эмас», деб ёзади газета.

Кувайтнинг «Ал-Жарида» газетаси ҳам ушбу фикрни ривожлантирган ва Ўзбекистон раҳбари томонидан илгари сурилган тақлифларнинг аҳамиятига урғу берган ҳолда, юртимиз раҳбарининг 1997-2001 йилларда БМТ кўмагида самарали фаолият кўрсатган «6+2» мулоқот гуруҳи доирасида Афғонистонда тинчлик ва барқарорликни таъминлаш борасидаги музокаралар жараёнини қайта тиклаш ташаббусига алоҳида тўхтади.

«Маълумки, Афғонистонга қўшни давлатлар — Ўзбекистон, Туркменистон, Тожикистон, Эрон, Покистон, Хитой ҳамда Россия ва Америка Қўшма Штатларининг ваколатли вакилларидан таркиб топган ушбу гуруҳнинг фаолияти Афғонистонда тинчликка эришиш бўйича умумий тамойиллар ва ягона ёндашувларни ишлаб чиқишга қаратилган эди», деб ёзади «Ал-Жарида».

Ушбу мавзуга «Ал-Кабас» газетаси ҳам тўхталиб, жумладан, давлатимиз раҳбарининг «музокараларда НАТО ваколатхонаси иштирок этишини ҳисобга олиб, «6+2»ни «6+3» гуруҳига айлантириш» борасидаги ташаббусига эътибор қаратган.

(Давоми 2-бетда).

## МАҲСУЛОТ СИФАТИ — КОРХОНА КЎЗГУСИ

Кейинги йилларда мамлакатимиз Президенти раҳнамолигида бошқа соҳалар қатори қишлоқ хўжалигида ҳам кенг кўламли ислохотлар олиб борилмоқда.

### Саноат

Хусусан, пахта толаси таннарини арзонлаштириш, унинг техник ва сифат кўрсаткичларини яхшилаш, пахта толасини ишлаб чиқариш ҳамда сотишда бозор иқтисодиёти тамойиллари, жаҳон амалиётида қўлланилаётган илғор ҳисоб-китоб шакли, усулларини кенг жорий этиш, ички ва ташқи бозорда рақобат муҳитини яратиб бораётган катта ишлар қилинди. Айни чоғда хорижий харидорларга маҳсулот етказиб бериш тизими яхшиланди, сертификатлаш, сақлаш, суғурта, боғхона расмийлаштируви каби хизматлар тўдан такомиллаштирилди.

«Нишон» пахта тозалаш очик акциядорлик жамияти Қашқадарё вилоятидаги етакчи корхоналардан бири ҳисобланади. Йилгига 75 минг тонна пахта хом ашёсини қайта ишлайдиган ушбу корхонада 750 нафар ишчи, муҳандис ва техник ходим меҳнат қилмоқда. Уларнинг савий-ҳаракати билан бир кеча-кундузда 130 тоннагача тола ишлаб чиқарилади.

Корхонада бултур 48542 тонна пахта қабул қилинди ва ҳозирга келиб унинг асосий қисми қайта ишланиб, истеъмолчиларга етказиб берилди. Эътиборлиси шуки, бу ерда модернизациялаш ва ишлаб чиқаришга замонавий технологияларнинг татбиқи асосида самарани берди. Мисол учун, режадаги 34,3 урнига 34,8 фонизгача олий сифатли тола ажратиб олинмоқда.

Мутахассислар маҳсулот харидорлигини оширишда товар

эриш, қадоклаш ва жилдлаш муҳим аҳамият касб этишини таъкидлашди. Шу уринда корхонада ишлаб чиқарилаётган тола тойлари ҳам ушбу мезонларга танитилган ҳолда буюртмачиларга етказиб берилмоқда. Бунда корхона маҳсулотларига жилд тикувчи-

лар Мавжуда Ҳайитова (суратда) ва Раъно Улжаева сингари ишчиларнинг улуши катта бўлмоқда.

Ш. ШАРОПОВ (ЎзА) олган сурат.

## МАҲАЛЛИЙЛАШТИРИШ ДАСТУРИ — АМАЛДА

Тошкентда «Ўзбекнефтгаз» миллий холдинг компанияси томонидан ташкил этилган тармоқ саноат ярмаркаси ўз ишини бошлади. Ярмаркада «Ўзбекнефтгаз» компанияси таркибига кирувчи барча акциядорлик компаниялари иштирок этмоқда. Улар томонидан намойиш этилаётган тайёр маҳсулотлар намуналари, бутловчи қисмлар ва материаллар юқори қўшимча қийматга эга ҳамда экспортбўлиги билан эътиборни тортади.

Президентимиз Ислам Каримовнинг 2007 йил 12 ноябрда қабул қилинган «Ички тармоқ ва тармоқлараро саноат кооперациясини янада кучайтириш чора-тадбирлари тўғрисида»ги Фармонида истиқлол йилларида ўнлаб, шу жумладан, нефть-газ тармоғида ҳам янги йирик саноат корхоналари барпо этилгани, янги ва юқори технологик маҳсулот-

лар турларини ишлаб чиқариш ўзлаштирилгани таъкидланган. Шу билан бирга, мавжуд саноат салоҳияти ҳали етарлича ишга солинмапти. Шу боис Юртбошимиз томонидан республикамиз саноатининг тез ривожланиб бораётган тармоқлари учун зарур бўлган, экспорт салоҳиятини кенгайтириш имконини берадиган бутловчи буюмлар, эҳтиёт қисмлар, зарур материаллар ишлаб чиқарадиган ва хом ашё ресурсларини қайта ишлайдиган мамлакатимиз ишлаб чиқарувчиларини ҳар томонлама қўллаб-қувватлашдек энг муҳим устувор вазифа қўйилди.

Домий фаолият кўрсатувчи Республика саноат ярмаркаси ва Кооперация биржаси ушбу вазифани амалга оширишга кўмаклашади. Кооперация бир-

жасида республикамизда ишлаб чиқарилаётган маҳсулот ҳақида кенг ахборот бериб берилмоқда, шерикларни топишда ёрдам кўрсатишда, мамлакатимиз ишлаб чиқарувчилари ўртасида ўз маҳсулотларини етказиб бериш бўйича хўжалик шартномалари тузилмоқда.

Шуни таъкидлаш муҳимки, асбоб-ускуналар, бутловчи буюмлар, қайта ишланган маҳсулотлар ва материалларни Кооперация биржаси доирасида харид қилиш мамлакатимизнинг барча истеъмолчилари учун қўшимча тендерлар ўтказмай, тўғридан-тўғри шартномалар асосида амалга оширилмоқда. 2008 йилги маҳаллийлаштириш Дастурига киритилган корхоналар қўшимча солиқ имтиёзлари ва преференцияларга эга бўлди. Булар мазкур корхоналар учун катта рағбат бўлиб, бошқаларда ҳам қизиқши уйғотиши шубҳасиз.

«Ўзбекнефтгаз» компанияси залида ташкил этилган тармоқ саноат ярмаркаси ҳам айнан шу мақсадларга хизмат қилади. Компания томонидан нефть-газ тармоғи, бошқа идора ва хўжалик бирлашмалари эҳтиёжлари, шунингдек, тармоқ-

(Давоми 2-бетда).

Жорий йилнинг 3-4 май кунлари Шаҳрисабзда кураш бўйича Ўзбекистон Республикаси Президенти саврини учун Амир Темур хотирасига бағишланган V анъанавий халқаро турнир бўлиб ўтди.

## ШАҲРИСАБЗ ЖАҲОН ПОВОНЛАРИНИ КУТМОҚДА

Кеча пойтахтимиздаги «Олимпия шон-шухрати» музейида ана шу нуфузли мусобақага тайёргарлик жараёнига бағишланган матбуот анжумани ўтказилди. Унда Маданият ва спорт ишлари вазирлиги, Кураш халқаро ассоциацияси раҳбарияти ва оммавий ахборот воситалари вакиллари иштирок этди.

Тадбирда Маданият ва спорт ишлари вазирлиги ўринбосари М. Аҳмадов, Бутунжаҳон курашнинг ривожлантириш жамғармаси раиси Х. Тожиёв ва бошқа-лар журналистларни қизиқтирган саволларга жавоб қайтарди.

Таъкидландики, мамлакатимизда спортнинг бошқа турлари қатори курашнинг ривожлантиришга ҳам алоҳида эътибор берилб келинмоқда. Шу уринда 1992 йилда Юртбошимиз ташаббуси билан ташкил этилган, ҳар тўрт йилда ўтказиладиган Амир Темур халқаро турнирининг ҳам миллий қадриятининг ҳам дунёга оммалаштиришда катта ўрни бор. Анъанавий халқаро турнирнинг бу сафаргисидда дунёнинг 50 га яқин мамлакатдан полвонлар иштирок этиши истганини билдиргани ҳам фикримизни исботлайди. Улар 73, 90 килограмм ва мутлақ вазн тоифасида гиламга чиқдилар.

Зиёдулла ЖОНИБЕКОВ,  
«Халқ сўзи» мухбири.

## МАМЛАКАТ БЎЙЛАБ



### «Ватан ҳимоячилари — юрт ишончи»

Президентимизнинг 2005 йил 31 октябрдаги «Ўзбекистон Республикаси Қуролли Кучлари сафида мудатли ҳарбий хизматни ўтаган ҳарбий хизматчиларга берилмаган имтиёзлар тизимини янада такомиллаштириш чора-тадбирлари тўғрисида»ги қарори талабларини бажариш, ҳарбий хизматни тугатган ёшларни рағбатлантириш борасида Хоразм вилоятида ҳам муайян ишлар амалга оширилмоқда. Мазкур қарор талабларидан келиб чиқиб, «Камолот» ёшлар ижтимоий ҳаракати вилоят кенгаши томонидан 2006-2007 ўқув йилида ҳарбий хизматни ўтаб, олий ўқув юртига имтиёзли қабул қилинган 166 нафар талабага ўқув шартномасининг 26 миллион 262 минг сўми тўлаб берилган эди. Бу йил эса 303 нафар ана шундай имтиёзга эга талаба учун ўқув шартномасининг 58 миллион 536 минг сўми ўтказиб берилди.

Ойбек РАҲИМОВ,  
«Халқ сўзи» мухбири.

«Берунигагроқурилиш» масъулияти чекланган жамияти қурилиш материаллари ишлаб чиқаришга ихтисослашган. Айниқса, корхонанинг пластикдан бежирим эшик ва деразалар тайёрлаётган «Аква-сехн» маҳсулотларига эҳтиёж ортиб, буюртмалар кўпаймоқда.

### Буюртмалар кўпаймоқда

Тошкент шаҳрида фаолият юритаётган «Алютекс» қўйма корхонасидан материаллар келтириб, чиройли эшик-деразалар ясаётгани, — дейди корхона етакчиси Анвар Янгибоев. Айни пайтда туманда қурилаётган коллеж ва мактаблар учун ҳам эшик ва деразалар тайёрланмоқда.

Ҳидоят АҲМЕДОВ,  
«Халқ сўзи» мухбири.

### Янгилини самаралари

«Кўргонтепадонмаҳсулотлари» очик турдаги акциядорлик жамияти Украинадан келтирилган энг замонавий асбоб-ускуналар, жиҳозлар билан қайта таъминланган, ишлаб чиқариш ҳажми ва сифати ортди.

Жумладан, иш қилари ҳам кенгайди. Чунки, бу ерда ишлаб чиқарилаётган макарон, печенье, қандолат маҳсулотлари қаторига чиройли идish-лар қадокланиб, истеъмолга чиқарилаётган салқин ичимликлар ҳам қўшилди.

Кўргонтепа, Жалақудук, Хўжаобод туманларидаги 14 та дўконга жорий йилнинг икки ойида 3200 тонна омихта ем етказиб берилди.

Одилжон ШОДМОНАЛИЕВ,  
«Халқ сўзи» мухбири.

Бухоро шаҳридаги «ЎзКорея-Медикал» қўйма корхонасида ойига ўртача беш миллион донагача бир марта ишлатиладиган шприцлар ишлаб чиқарилаётган. Корхона маҳсулотига ички бозорда эҳтиёж катта.

### Ойига беш миллион дона шприц

Ана шу ҳисобга олиниб, корхона маҳаллийлаштириш дастурига киритилган эди. Мамлакатимиз Президентининг «Маҳаллий хом ашё негизда тайёр маҳсулотлар, бутловчи буюмлар ва материаллар ишлаб чиқаришни маҳаллийлаштириш Дастури тўғрисида»ги қарорига мувофиқ, бу ерда маҳсулот турини кўпайтириш йўллари изланмоқда. Натияжада икки миллигаметри шприцлар ишлаб чиқариш технологияси ўзлаштирилди. Қиқ нафар ишчи меҳнат қилаётган корхонада яқин истиқболда, Маҳаллийлаштириш дастурига кўра, каскед цехи ишга туширилади.

Ислом ИБРОҲИМОВ,  
«Халқ сўзи» мухбири.

## БАНКЛАРНИНГ КАПИТАЛЛАШУВИ ДАРАЖАСИ ОШИРИЛАДИ



2008 йилда мамлакатимизда солиқ соҳасини янада эркинлаштириш сийёсати давом эттирилиб, жумладан, банклар учун даромад солиғи 17 фоиздан 15 фоизга туширилади.

Бунинг натижасида бўшайдиган маблағлар банкларнинг капиталлашувини ошириш учун мақсадли равишда йўналтирилади. Демак, уларнинг ресурс базаси кўпайиши туфайли аҳоли ва хўжалик юритувчи субъектларга ажратиладиган кредитлар миқдори ҳам ортади.

Воқеалар, янгиликлар, хабарлар

Бир рақам шарҳи





# O'ZSANOATQURILISHBANK

**Мамлакатимиз Президенти Вазирлар Маҳкамасининг 2007 йил якунларига бағишланган мажлисидаги маърузасида хўжалик субъектларини модернизация қилиш, техник ва технологик қайта жиҳозлаш борасида амалга оширилаётган ишларни алоҳида таъкидлади. Дарҳақиқат, Инвестиция дастури доирасида бултур 300 дан зиёд йирик инвестиция лойиҳаси ниҳосига етказилди. Уларни молиялаштириш мақсадида қарийб 2 триллион сўм сарфланди.**

# МОДЕРНИЗАЦИЯ – ТАРАҚҚИЁТ ОМИЛИ

**«Ўзсаноатқурилишбанк» хўжалик субъектларини замонавий техник ва технологиялар билан жиҳозлашга қаратилган инвестицион лойиҳаларни молиялаштиришда фаол иштирок этмоқда**

Мамлакатимиздаги мавжуд технологияларни модернизациялаш, замонавий корхоналарни барпо этишда «Ўзсаноатқурилишбанк»нинг ҳам муносиб ҳиссаси бор. Буни банк томонидан амалга оширилаётган ишлар — кўрсатилган хизмат турлари, инвестицион лойиҳаларни молиялаштириш учун ажратилаётган маблағлар исботлаб турибди. Мухбиримиз ушбу банк бошқаруви раиси биринчи ўринбосари Жаҳонгир ОБИДЖОНОВ билан шу хусусда суҳбатлади.

— Аввало, шуни айтиш керакки, республикамизда изчил амалга оширилаётган ижтимоий-иқтисодий ислохотлар натижасида иқтисодиётнинг юқори суръатларда ўсишига эришилмоқда, — деди у. — Жумладан, иқтисодиётнинг либерализациялашуви, хўжалик субъектлари ва инвесторларга қулай шарт-шароитлар яратилиши ҳамда кенг қўламли имтиёзларнинг тақдим этилиши ўз самарасини бераётди. Ана шу савб-ҳаракатлар самараси ўларок, саноат, қурилиш, транспорт-коммуникация ва қишлоқ хўжалигини ривожлантиришга алоҳида аҳамият берилиб, замонавий техника ва технологиялар билан жиҳозланган янги корхоналарни барпо этиш ҳамда реконструкция қилиш билан боғлиқ бир қатор мақсадли дастурлар ишлаб чиқилди.

Табиики, хўжалик субъектларини модернизация қилиш, у орқали иқтисодиётни юксалтириш нечоғли катта, ҳал қилувчи аҳамиятга эга эканлиги ҳақида узоқ тўхташнинг ҳожати бўлмас керак. Зеро, бу, авваломбор, аҳоли бандлиги, унинг иш ҳақи ва даромадларини ошириш, шаҳар ва туманларимиздаги энг муҳим ижтимоий масалаларни ечиш, дегандир. Бу жараёнда иқтисодиётнинг ажралмас қисми бўлган тижорат банк-

лари, жумладан, «Ўзсаноатқурилишбанк» ҳам фаол иштирок этмоқда.

**— Шу ўринда аниқ далилларни келтириб ўтсангиз?**

— Маълумки, «Ўзсаноатқурилишбанк» ёқилғи-энергетика, машинасозлик, кимё саноати, шунингдек, қурилиш индустриясига тегишли лойиҳаларни амалга оширадиган ташкилотлар билан ўзаро муносабатларни ривожлантиришда етакчи банклардан бири ҳисобланади. 2007-2011 йилларда Кимё саноатини модернизациялаш, техник ва технологик қайта жиҳозлаш дастурига асосан, ҳозирда мазкур банк томонидан Деҳқонобод қалий ўғитларини ишлаб чиқариш заводини қуриш, «Фарғонаазот» ОАЖда аммиак ишлаб чиқариш қурилмаларини капитал тиклаш, таъмирлаш, реконструкция қилиш, «Максам-Чирчиқ» ОАЖда аммиак агрегатини модернизациялаш каби йирик лойиҳаларни молиялаштириш амалга оширилмоқда.


Бундан ташқари, 2007-2012 йилларда Нефть ва газ саноатини ривожлантириш давлат дастурига кўра, Қашқадарё вилоятидаги «Помук» ва «Денгизкўл» конларини ўзлаштиришдек муҳим аҳамиятга молик инвестициявий лойиҳалар устида ҳам иш олиб борилмоқда. Эътиборлиси, банкимиз капитал қурилиш иштирокчиларига молиялаштириш расмийлаштириш ва тўловларни ўтказишдан тортиб, то қурилишнинг техник ишларини амалга ошириш ҳамда молиялаштирилаётган қурилишга муҳандислик хизмати кўрсатишгача бўлган комплекс хизматларни ҳам кўрсади.

**— Ана шу йирик инвестицион лойиҳаларнинг молия-**

**лаштирилиши истиқболда қандай самаралар беради?**

— Биласизми, биргина Деҳқонобод заводининг ишга туширилиши туфайли минтақада йилга 200 минг тонна қалий ўғити ишлаб чиқаришга ихтисослашган ягона завод вужудга келади.

Натижада минглаб қўшимча иш ўринлари яратилади, қолаверса, у мамла-



ёт фонди ва Хитой Тараққиёт банки маблағлари ҳисобидан молиялаштирилмоқда. Шу билан бирга, «Ўзсаноатқурилишбанк» уларни ўз маблағлари ҳисобидан миллий валютада кредитлаш ишларини ҳам амалга оширмоқда. Шубҳа йўқи, бу тадбирлар яқин йилларда иккала корхонада ҳам тайёр маҳсулот ишлаб чиқариш ҳажмини кескин оширишга олиб келади.

Банкимизнинг Корея Ривожланиш банки билан ҳамкорликда «Ўзбекнефтегаз» миллий холдинг компаниясига қарашли «Помук» ва «Денгизкўл» конларини ўзлаштиришга қаратилган инвестицион лойиҳаси хусусида ҳам шундай ифлик қарашлари айтиш мумкин. Гап шундаки, мазкур лойиҳаларни амалга ошириш учун «Ўзсаноатқурилишбанк» томонидан жорий йилда жами 179,9 миллион АҚШ доллари, жумладан, республика Тикланиш ва тараққиёт фонди маблағи ҳисобидан 127,4 миллион АҚШ доллари миқдорда кредит ажратилиши белгиланган.

**— «Ўзсаноатқурилишбанк»нинг инвестицион лойиҳаларни миллий валютада молиялаштириш борасидаги фаолияти хусусида нималар дея оласиз?**

— Бу ҳақда узоқ гапириш мумкин. Чунки банкимиз 2007 йилда ва шу йилнинг дастлабки уч ой давомида ўз маблағлари ҳисобидан 128 миллиард сўмлик инвес-

## Мижоз банк учун эмас, банк мижоз учун

тицион лойиҳаларни молиялаштиришга эришди. Масалан, Фарғона водийсини узлуксиз электр энергияси билан таъминлаш мақсадида қурилаётган улкан ишоотнинг инвестицион лойиҳасини молиялаштиришга 24,4 миллиард сўм, мамлакатимиз енгил саноатидаги мавжуд корхоналарни замонавий технологиялар билан жиҳозлаш мақсадида 5,7 милли-



ард сўм, қурилиш материаллари ишлаб чиқаришни ривожлантиришга 16 миллиард сўм, шунингдек, коммуникация тармоғини ривожлантириш учун 11,5 миллиард сўм кредит ажратди.

Вазирлар Маҳкамасининг 2007 йил 10 февралдаги «Автомобилларни газ билан ўлдиратиш компрессор станциялари ва автомобилларга газ қуйиш шохобчаларини ривожлантириш ҳамда автотранспорт воситаларини суюлтирилган ва сиқилган газга босқичма-босқич ўтказиш чора-тадбирлари тўғрисида»ги Қарори ижросини таъминлаш бўйича эса, банк томонидан 2007-2012 йилларга мўлжалланган дастурни амалга ошириш учун 3270,0 миллион сўм маблағ сарфланди.

Кўриниб турибдики, ўз мижозларимиз ва шерикларимиз билан тенгуққуллилик асосидаги ҳамкорлик банкимизнинг молия имкониятларини самарали тарзда кенгайтиришга, барқарор ўсишни таъминлашга, энг илғор банк воситаларини амалиётга жорий этишга асос бўлмоқда. Ахир, «Ахбор-Рейтинг» банклараро рейтинг компанияси томонидан ўтказилган таҳлилга кўра, мамлакатимиздаги мавжуд тижорат банклари ичидан «Ўзсаноатқурилишбанк» «u2A+» рейтинг кўрсаткичига лойик, деб топилганлиги бежиз эмас. Бу эътироф банки-

мизнинг кредит қобилияти юқори даражадалигини билдиради. Кредит қобилиятининг юқорилиги эса, ўз навбатида, кредит хатарининг ўта пастлиги билан ифодланади.

**— Молия тизимида рақобат ўсиб бораётган ҳозирги шароитда банк ўзининг ривожланиш стратегиясига қатъий риоя қилиши талаб этилади. Шундай эмасми?**

— Албатта. Шу боис биз ривожланишнинг янада сифатли босқичига чиқиш, замонавий, рақобатбардос, йирик универсал банк маққоини сақлаб қолишдек асосий стратегик мақсад йўлида фаолият юритишга ҳаракат қилаёмиз. Аниқроғи, замонавий банк технологияларига таянган ҳолда, мижозларга тезкор ва аниқ хизматлар кўрсатаёмиз, ижобий натижалар берган бошқа молиявий усулларни банкимиз фаолиятига татбиқ этаёмиз.

**Умуман, «Ўзсаноатқурилишбанк»нинг барча мижозлари — жисмоний шахслардан тортиб, йирик компанияларгача ҳар доим биринчи даражали банк хизмати кўрсатилишига ишонч ҳосил қилсалар, сиз аздамайдилар. Зеро, «Ўзсаноатқурилишбанк» йиллар синовидан дадил ва собит қадам билан ўтаётган молия муассасадир.**

Ф. САНАЕВ  
суҳбатлашди.

## ЎЗБЕКИСТОН РЕСПУБЛИКАСИ ХАЛҚ ТАЪЛИМИ ВАЗИРЛИГИ

Ўзбекистон Республикаси Вазирлар Маҳкамасининг 2004 йил 21 октябрдаги «2005-2009 йилларда умумтаълим мактабларини мебель, замонавий ўқув-лаборатория асбоб-ускуналари, компьютер техникаси ва спорт анжомлари билан жиҳозлаш дастури тўғрисида»ги қарори ижросини таъминлаш мақсадида, Ўзбекистон Республикаси Вазирлар Маҳкамасининг 2000 йил 21 ноябрдаги «Тендер савдоларини ташкил этишни тақомиллаштириш чора-тадбирлари тўғрисида»ги қарорига асосан, «КЎЗИ ОЖИЗ, ЗАИФ КЎРУВЧИ, КАР ВА СОҚОВ МАКТАБ-ИНТЕРНАТИ»ГА МАХСУС МЕБЕЛЬ, ЎҚУВ-ЛАБОРАТОРИЯ ВА УСТАХОНА ЖИҲОЗЛАРИНИ ХАРИД ҚИЛИШ БЎЙИЧА ТАНЛОВ ЭЪЛОН ҚИЛАДИ.

- Танлов очик турда ўтказилиб, унда умумтаълим ва ихтисослаштирилган синфлар учун мактаб мебеллари ишлаб чиқариш ҳамда ўқув-лаборатория асбоб-ускуналарини етказиб бериш имконияти мавжуд, мулкчилик шаклидан қатъи назар, юридик мақомига эга бўлган, жумладан, кичик бизнес субъектлари — Ўзбекистон Республикаси резидентлари иштирок этишлари мумкин.
- Танловда қуйидаги юридик шахслар иштирок эта олмайдилар:**
  - қайта ташкил этилаётган, тугатилиш ёки банкротлик ҳолатида бўлганлар;
  - белгиланган муддат ичида саралаш босқичи учун барча талаб қилинган ҳужжатларни тақдим этмаганлар;
  - Ўзбекистон Республикаси Халқ таълими вазирлиги ва унинг ҳудудий идоралари билан аввал имзоланган шартномалар шартлари бўйича келишилган мажбуриятларни ўз муддатида бажармаганлар ва бажармай келаётганлар;
  - танлов ўтказилиши тўғрисида эълон берилган кунга қадар ташкил этилганлигига 6 ойдан кам бўлганлар;
  - Халқ таълими вазирлиги ва унинг ҳудудий бошқармалари билан суд ёки арбитраж жараёнларини бошдан кечираётганлар.

- Танловда қатнашмоқчи бўлган талабгорлар тендер комиссиясининг ишчи органига танлов тақлифлари билан биргаликда алоҳида пакетда қуйидаги ҳужжатларни тақдим этишлари лозим:
  - Монополиядан чиқариш, рақобат ва тадбиркорликни қўллаб-қувватлаш давлат қўмитасининг ҳудудий бошқармаларидан талабгор банкротлик жараёнида эмаслиги тўғрисида маълумотнома;
  - давлат рўйхатига олувчи органдан талабгор тугатилиш ёки қайта ташкил этилиш жараёнида эмаслигини тасдиқловчи маълумотнома;
  - талабгорнинг давлат рўйхатидан ўтганлигини тасдиқловчи гувоҳноманинг нотариал тасдиқланган нусхаси;
  - Давлат солиқ инспекциясидан талабгорнинг танлов ўтказилиши тўғрисида эълон қилинган кунгача бўлган даврда бюджет ва бюджетдан ташқари жамғармалардан қарзи йўқлигини тасдиқловчи маълумотнома;
  - талабгорга хизмат кўрсатувчи банкдан талабгорнинг танлов ўтказилиши тўғрисида эълон қилинган кунгача бўлган даврда асосий ва иккиламчи ҳисоб рақамлари, картотека (К-2) бўйича қарзи йўқлигини тасдиқловчи тегишли маълумотнома;
  - талабгорнинг ишчи органига танловда қатнашиш учун тақлиф этаётган маҳсулот намуналари ёки каталогларини тақдим этганлигини тасдиқловчи ҳужжатнинг асл нусхаси.

Талабгор танловда иштирок этиш учун тегишли лотлар бўйича маҳсулот намуналарини 2008 йил 10 май куни соат 15.00 гача топшириши шарт.

Танловларда голиб деб топилган корхона ва ташкилотлар имзоланган шартномалар бўйича барча мажбуриятларини шартномада келишилган муддат ичида бажаришлари талаб этилади.

Танлов тўғрисида қўшимча маълумот олиш учун танлов комиссиясининг ишчи органи ҳисобланган «Ўқув-таълим-таъминот» давлат унитар корхонасига эълон чоп этилгандан бошлаб (хафтанинг шанба ва якшанба кунларидан ташқари) танлов тақлифларини қабул қилишнинг охириг кунига қадар ҳар куни соат 10.00 дан 17.00 гача қуйидаги манзил бўйича мурожаат қилиш мумкин:

Ўзбекистон Республикаси, Тошкент шаҳри, Мирзо Улуғбек тумани, «Сайрам» кўчаси, 92-уй.  
Телефонлар: (8371) 268-03-37, 268-75-85. Факс: (8371) 268-03-37.

Танлов тақлифлари тендер комиссиясининг ишчи органига (хафтанинг шанба ва якшанба кунларидан ташқари) юқорида кўрсатилган манзил бўйича 2008 йил 15 май куни соат 15.00 дан кечикмасдан тақдим этилиши лозим.

## Кўшхабар

# Бозорлар чирой очмоқда

Бекобод шаҳрида савдо-сотик йил сайин ривожланиб бормоқда. Шунга кўра, мавжуд шохобчалар ҳам кенгайтирилмоқда. Чунончи, яқинда деҳқон бозорига қўшимча равишда 32 та дўкон очилди. Буюм бозорига маъмурий бино ва 28 та турғун савдо растаси қурилиб, фойдаланишга топширилди. Галаба кўчасида эса иккита янги дўкон ва ошхона аҳолига хизмат кўрсата бошлади.

# Безарар муҳофаза

Жойларда фермерлар ва томорқа эгалари мушкулни осонлаштирувчи қўллаб биологаториялар ишлаб турибди. Яқинда уларнинг сони яна биттага ортди. Паркент туманининг «Навбахор» агрофирмаси ҳудудда тоқзорларни турли-туман зараркундалардан муҳофаза қилишга ихтисослашган биологатория ташкил этилди. Янги шохобча агроном-энтмологлари, мутахассислари ва лаборантлари нафақат паркентликларга, балки мева-сабзавотчилик, боғдорчилик ва узумчиликка ихтисослашган Бўстонлик, Оҳангарон, Қибрай, Тошкент ҳамда Зангиота туманларидаги мижозларга ҳам хизмат кўрсади.

Абдуноби ҲАЙДАРОВ, «Халқ сўзи» мухбири.

**«ХАЛҚ СЎЗИ»ГА ЭЪЛОНЛАР**  
КАБУЛ ҚИЛИНАДИ.

9.00 дан 18.00 гача  
236-09-25  
232-10-63  
242-хона  
E-mail: Xalk\_suzi@rambler.ru

ОРГАНИЗАЦИЯ ПРЕДЛАГАЕТ ПРЯМЫЕ ПОСТАВКИ НА ВЫГОДНЫХ УСЛОВИЯХ

# СПЕЦТЕХНИКИ из КНР

ГАРАНТИЙНОЕ ОБСЛУЖИВАНИЕ ТЕХНИКИ в СЕРВИС-ЦЕНТРАХ

ВОЗМОЖЕН ВАРИАНТ ЛИЗИНГА

АВТОКРАНЫ  АВТОГРЕЙДЕРЫ  БУЛЬДОЗЕРЫ  САМОСВАЛЫ  
 АВТОБУСЫ  ЭКСКАВАТОРЫ  ФРОНТАЛЬНЫЕ ПОГРУЗЧИКИ  
 ОБОРУДОВАНИЕ

под заказ

Тел.: (+998-97) 420 00 59, 740 54 00 Факс: (+998-71) 281 50 93 E-mail: asiaenergyinvest@mail.ru

Алоҳида ҳолда ИСИТИШНИНГ янгича ечими — газда ишлайдиган АКОГ иситиш конвектори:

- хонани тезда иситади;
- газни тежаб сарфлайди;
- белгиланган ҳароратни автоматик равишда бир маромда сақлайди;
- бинолар, коттеджлар, дала-ҳовлидаги уйлари иситишда унинг ўрнини ҳеч нарса босолмайди.
- совуққа чидамли, сув, электр таъминоти ва газ босими ўзгариши унга таъсир кўрсатмайди;

Ишлаб чиқарувчидан арзон нархларда тўғридан-тўғри етказиб берилади. Етказиб бериладиган маҳсулот сертификатланади.

Тошкентдаги телефон: 242-84-64, тел./факс: 242-93-73. E-mail: ubcazia@rambler.ru

ООО «Росагропромснаб» предлагает:

## СЧЕТЧИКИ ГАЗА

ультразвуковые «Гобой-1»

## СЧЕТЧИКИ ГАЗА

вихревые СВГ.М

ТЕПЛОПРИБОР

СИБГА

На все поставляемые товары имеются сертификаты соответствия. Гарантийный срок на поставляемую продукцию — 12 месяцев со дня установки. Отдельно предприятие поставяет краны, отводы, задвижки и фильтры различных диаметров.

Адрес: г.Ташкент, Чиланзар, көл.б.д.2 (Ор-р — метро «М.Улугбек») Товар сертифицирован

Тел./факс: 273-16-40, 276-90-57

Тошкент автомобиль-йўллар институти раҳбарини ва жамоат ташкилотлари институт кекса ходимаси

Нур ая РЎЗМАТОВАНИНГ вафоти муносабати билан маркуманинг оила аъзолари ва яқинларига чуқур таъзия изҳор қилади.

Истиклол йиллари Нуротага бахт ато қилди. Президентимизнинг тарихий обидаларни таъмирлаш ва тиклашга қаратилган доно сийбати «Чашма» мажмуасининг ҳам янгича, бетакрор чирой очинишига олиб келди.

# НУРОТА ЧАШМАСИ

Истиклол туфайлигина «Чашма» табиий-тарихий кўриқонасини ободонлаштириш, тиклаш ва қайта қуриш имкониятига эга бўлди. Аслида Нуротанинг ўзи улкан бир музей. Унинг қадимги Нур шаҳрига доир ишоотлари, бу ердан топилган ноёб буюмларнинг ҳар бири авайлаб-асрашга, кўз-кўз қилишга ва қадрлашга муносиб. Умуман, қадимий Нур, унинг чашмаси, кўна қалъа, Пироста девори, зиёратгоҳлар, масжид ансамбллари, борингли, сув тармоқлари — буларнинг ҳаммаси миллийлиги, ўзига хослиги билан жиҳдий аҳамият касб этади, десак, муболага бўлмас.

Нур қалъаси Марказий Осиёда исломга қадар қурилган антик археологик ёдгорликлардан бири саналади. Буюк Ипақ йўлининг бир тармоғи Нур шаҳри орқали ўтган, XVI аср меъморий обидаси — катта Гумбаз масжиди, Шайх Абдул Ҳасан Нурий мақбараси, мадраса ва бошқа меъморий обидалар алоҳида аҳамиятга эгадир.

Нуротада оқар сув йўқ, Аждодларимиз унинг сернунг тупроғидан фойда-

ланиш мақсадида коризлардан фойдаланганлар. Кориз чиқаришда дастлаб қияликларнинг баланд жойидан бир неча кудук қазилган. Сув чиқариладиган бош кудук чуқурлиги 18-20 метр бўлган. Ва уларнинг ҳар бирига ном қўйилган. Бу номлар ҳозиргача эл тилида янграб келади. Қувондик, Хайробод, Адизобод, Мири, Кўнчи, Мас-тон, Аллухори сингари коризлар 365 та бўлиб, уларнинг ҳар бири бир неча километрга чўзилган. Ҳар бир коризда кудуқлар сони 150 дан 250 тагача бўлган.

Утган асрнинг бошларида Нуротага келган рус олими А. Л. Димо Нурота чашмаси сувининг кимёвий таркибини биринчи бўлиб аниқлаган. Унинг таъкидига қараганда, бир литр сувда 278 грамм тўз борлиги маълум бўлган. Таркибида эса хлор, сульфат, калий, кальций, магний, крембити секундида 220-230 литрни, ҳарорати йилнинг ҳар тўрт фаслида + 19,5 даражани ташкил этади.

Нурота чашмасининг суви таркибида хилма-хил кимёвий моддалар-

нинг мавжудлиги унинг шифобахшлигини тасдиқлайди.

— Биз уларни минерал сувлар деб атаймиз, — дейди геология ва минерология фанлари доктори Н. А. Кенисарова, — ер ости сувлари турли жинслар орасида бўлганидан, улар тоғ жинсларини маълум даражада эритишади. Эрийдиган турли хил тузлар тоғ жинсларида қанчалик кўп бўлса, сув билан тоғ жинслари бир-бирига қанчалик кўп таъсир кўрсатса, сув шунча минераллашади. Дунёдаги нарзан, боржом, есентуки сингари кўплаб шифобахш минерал сувлар бор. Уларнинг таркибида йод, бром, бор, литий, барий ва бошқа химиявий элементлар анчагина. Нурота чашмасининг суви ҳам ана шундай хусусиятларга эга.

...Нурота чашмаси ҳақида сўз борар экан, асрлар давомида одамларни ҳайрат оламига бошлаган ширмоҳи балиқлар ҳақида ҳам сўзламоқ лозимдир. Фан тилида маринка деб аталадиган бу балиқлар нега овланмай келинади? Чашма ҳамда булоқлардаги ширмоҳи ба-

лиқларнинг устки бел томони қорамтир, қорин юзаси оқ-сарғиш рангда. Бу балиқларни сувнинг ҳарорати паст бўлган булоқ ва чашмаларда учрата оламиз. Ширмоҳи балиқларнинг қорин қисми қора парда билан ўралган. Агар балиқ тугилиб, қора парда олиб ташланмасдан истеъмол қилинса, кишининг захарланишига, хаттоки ўлимга сабаб бўлиши ҳам мумкин. Маҳаллий аҳолининг ширмоҳи балиқларни овлашга ҳеч қачон иштиёқи бўлмаган.

Айтиш жоизки, чашманинг мунаввар суви тўрт ариққа бўлиниб, шаҳардаги гулзорлар бўйлаб оқади. Бу жараёнда ширмоҳи балиқлар ҳам ўз ҳаракатини давом эттиради.

Ҳозирча яна Нурота чашмаси бағрига шошилди. Чашма мажмуаси узоқ-яқиндан келган саёҳатчилар билан гавжум. Улкан чашма суви биллур тангалардай офтоб нурида ялтиради. Сув бағридаги ширмоҳи балиқлар аквариумдагидек сокин ҳаракатда бўлади. Ер бағридан ва харсанг тошларнинг кавакларидан оқётган сув нур бўлиб қалбингизни поклайди. Сув тубидаги сон-санокисзи балиқлар қағир тошлар бағрига бошини қўйиб, ўзи учун керакли тузларни шимирди.

Чашма сувининг таърифига сўз етмайди. Яъни, Нурота томонларга ўтиб қолсангиз, бу бетакрор жойини томоша айлаб, унинг шифосидан баҳраманд бўлинг, шунда бошингиз узра ҳақиқатан ҳам нур томчилари ёғилаётганини ҳис этасиз.

Ҳамдам ЭШОНҚУЛОВ,  
«Халқ сўзи» мухбири.

Спорт • Sport • Спорт

### «Машъал» кучли учликда

Футбол бўйича мамлакат XVII миллий чемпионатининг бешинчи тур учрашувлари ҳам қизғин курашларга бой бўлди.

Янги мавсум беллашувларини муваффақиятли ўтказётган «Сўғдиёна» жамоаси кутилмаганда ўз майдонида «Машъал»га 2:4 ҳисобида имкониятни бой берди. Мамлакатимизнинг амалдаги чемпиони «Пахтакор» Ҳузорнинг «Шўртан» жамоасини 4:0 ҳисобида мағлубиятга учратди. Меддалар учун кураш олиб бораётган «Қурувчи» жамоаси сафарда «Қизилқум» устидан йирик — 5:1 ҳисобидаги галабага эришди.

Бешинчи турнинг қолган учрашувларида қуйидаги натижалар қайд этилди: ОТМК — «Андижон» 1:0, «Бухоро» — «Навбахор» 2:1, «Насаф» — «Металлург» 2:0, ҲуздорҲу — «Динамо» 1:1, «Нефтчи» — «Локомотив» 1:0.

Ҳозирча турнинг жадвалида «Қурувчи» жамоаси 15 очко билан яқалашеҳадда бўлиб турибди. Иккинчи ўринда бораётган «Пахтакор» ҳисобида 13 очко бор. Муборакнинг «Машъал» жамоаси 11 очко билан учинчи ўринга кўтарилиб олди.

## ЧЕМПИОНЛАР АНИҚЛАНДИ

Пойтахтимизда Фудокан каратэ-до бўйича навбатдаги Ўзбекистон чемпионати бўлиб ўтди.

Икки кун давом этган беллашувлар якунига кўра, Самарқанд вилояти каратэчилари 9 та олтин, 12 та кумуш ва 8 та бронза медалини қўлга киритиб умумжамоа ҳисобида фахрли биринчи ўринни қўлга киритдилар. Иккинчи ўрин Жаззах, учинчи ўрин эса Сурхондарё вилояти каратэчиларига насиб этди.

Шахсий биринчилиқда ака-ука Ойбек, Фарух ва Умиджон Ҳакимов, Ашраф Акрамов, Одил Облаклов, Пахлаван Тохиров, Далер Сайфиев, Шерзод Ҳикматуллаев, Мўмин Раҳимов, Зафар Наҳмиддинов, Акмал Ҳўтамов ва Нодир Акмалов яхши кўрсаткичга эришдилар.

тери жароҳатларида далачой мойи ажайиб малҳамдир. Бу мойни уй шароитида тайёрлаш учун 20 грамм янги далачой гуллари 200 грамм кунгабоқар ёғига солиб, омукта қилинади. Икки ҳафта давомида дамбаб қўйилади ва сузиллади.

Сўнгра совутилган холда 1/3 стакандан кўнига уч марта таомдан олдин ичилади.

Мирзамир МИРШАРИПОВ.

### Ўн поғонага кўтарилдик

Халқаро футбол федерацияси — ФИФА дунё терма жамоаларининг апрель ойи учун янги рейтинг жадвалини эълон қилди. Аҳамиятлиси, рейтингда Ўзбекистон терма жамоаси ўн поғона қорига кўтарилиб, 60-ўриндан жой олди. Ҳамюртларимиз МДҲ вакиллари ичида Россия ва Украина футболчиларидан сўнг учинчи ўринда қайд этилган.

### Футзалчилар Бангкокда беллашади

11-18 май кунлари Таиланд пойтахти Бангкок шаҳри футзал бўйича навбатдаги Осиё чемпионатида мезбонлик қилади.

Кеча ушбу мусобақага қўрға ташлаш маросими бўлиб ўтди. Унга кўра, қитъанинг 16 та кучли жамоаси 4 гуруҳга бўлиниб баҳс юритадиган бўлди. Эслатиб ўтамиз, Осиё чемпионатида кучли тўртликдан жой олган жамоалар тўғридан-тўғри жаҳон чемпионати йўлнамасини қўлга киритишади.

- «А» гуруҳи: Қирғизистон, Таиланд, Ироқ, Индонезия.
- «В» гуруҳи: Япония, Австралия, Туркменистон, Хитой Тайпейи.
- «С» гуруҳи: Ўзбекистон, Ливан, Жанубий Корея, Малайзия.
- «Д» гуруҳи: Эрон, Тожикистон, Хитой, Кувейт.

Зиёдулла ЖОНИБЕКОВ.



### Билиб кўйган яхши

Далачойни қизил пойча, чойбут, чой, сариқ чой деб ҳам аташади. Гуллари тилла ранг. У йўл ёқаларида, ариқ бўйлариди, ўтлоқларда, бедазорларда, боғларда, тоғ ён бағирларида ўсади. Тиббиётда ўсимликнинг ер устки қисми қўлланилади. Халқ табибатида далачой дамбабидан буйрак, қовуқ, меъда-ичак хасталиқларини даволашда, қон тўхтатувчи восита сифатида фойдаланилади.

## ШИФОБАХШ ДАЛАЧОЙ

Илмий таботатда далачой иситмалаганда, бавосилда тавсия этилади. Олимлар изланишлар натижасида ўсимликдан «Фларистен» деган дори препаратини яратишга муваффақ бўлишган. Бу дори гинекологик касалликларни даволашда ишлатилади. Далачой грипп, суяклар-

нинг қашқаб оғришида фойда қилади. Тунда пешоб тута олмаслиқда наф беради. Далачойнинг спиртдаги тиндирма (настойка)си меъда-ичак йўли, бош оғриғи, милкларни мустаҳкамлашда, оғиз бўшлиғидаги нохуш хидлардан халос бўлишда, фойдаланилади. Ерилган, кесилган ва бошқа

ISO 9001:2000

COSCOM TARIFLARI ICHIDA

# CHAMPION

TARIF REJASI

2 : 0

SENT O'ZBEKISTON BO'YICHA BARCHA QO'NG'IROQLAR SO'ZLASHUVNING BIRINCHI DAQIQASIDAN BOSHLAB

ABONENT TO'LOVI

COSCOM

Uyali aloqa uchun xarajatlarni hisoblashdan charchadingizmi? Kalkulyator eng zarur narsaga aylanib qoldimi? Tarif rejalarining ko'plab shartlari sizni adashtirib yubordimi? Biz sizga juda ham oddiy tarifni taklif etamiz.

Hech qanday abonent to'lovi yo'q, so'zlashuvning bir daqiqasi esa endi haqiqatan ham 2 sent.

Va albatta, COSCOM abonentlaridan kirish qo'ng'iroqlari **BERUL!**

Вазирликлар, идоралар, бирлашмалар раҳбарлари ҳамда ишбилармонлар диққатига!

## «ЎЗМЕТКОМБИНАТ» АИЧБ

2008 йил 18 апрель куни соат 10.00 да Бекобод шаҳридаги Металлургия маданият саройида

### СОҲА САНОАТ ЯРМАРКАСИНИ ТАКДИМОТ МАРОСИМИ БИЛАН ЎТКАЗАДИ.

Кўргазма-ярмаркада «Ўзметкомбинат» АИЧБда ишлаб чиқарилаётган кенг ассортиментдаги маҳсулотлар намойиш этилади.

Қора металллар прокати, янчадиган золдирлар (мелюшие шары), мис ленталар ва унинг қотишмаси, симлар, диаметри 3, 4, 5 мм. бўлган УОНИ 13-55 пайвандлаш электродлари, пулатдан ишланган сирланган идиш-товоқлар ва импорт ўрнини босувчи маҳсулотлар ҳамда маҳаллийлаштириш дастури бўйича ишлаб чиқарилган бошқа маҳсулотлар.

Барчани ярмаркага таклиф этамиз!

ДАВЛАТ, ХУСУСИЙ ҲАМДА МУЛКЧИЛИК ШАКЛИ ТУРЛИЧА БЎЛГАН ҚОРХОНАЛАР РАҲБАРЛАРИ ДИҚҚАТИГА!

## ЎЗБЕКИСТОН РЕСПУБЛИКАСИ ИЧКИ ИШЛАР ВАЗИРЛИГИ МОДДИЙ-ТЕХНИКА ТАЪМИНОТИ БОШҚАРМАСИ

### КРИМИНАЛИСТИК ТАҚҚОСЛАШ МИКРОСКОПИ АППАРАТ-ДАСТУРИ МАЖМУИНИ ХАРИД ҚИЛИШ БЎЙИЧА ТЕНДЕР ЭЪЛОН ҚИЛАДИ.

Етказиб бериш муддати — шартнома тузилгандан сўнг 90 кун давомида.  
Етказиб бериш шартлари — СІР (DDU) Тошкент шаҳри.  
Буортмачи — Ўзбекистон Республикаси Ички ишлар вазирлиги.  
Тўловлар Ўзбекистон Республикасининг миллий валютаси — сўм ва АҚШ долларидида бюджет ҳисобидан амалга оширилади.  
Молиялаштириш шартлари: 15% — олдиндан тўлов, 85% — маҳсулот буортмачининг омондорига келиб тушгандан сўнг ёки 100% аккредитив очил орқали.  
Тендер савдоси ташкилотчиси — Ўзбекистон Республикаси ИИВ Моддий-техника таъминоти бошқармаси.

Таниқли ва жаҳон бозорида номи чиққан (Leica Microsystems Wetzlar GmbH, ПЕЛЕНГ ва бошқалар) ишлаб чиқарувчиларнинг усқуналарини таклиф этиш лозим.  
Тендер қатнашчиларга қуйидаги талабларга жавоб беришлари шарт: хуқуқни муҳофаза қилиш органларига етказиб бериш таърибаси ҳамда республика ҳудудида шаҳар ва вилоят сервис марказларига эга бўлишлари керак.  
Тендер ҳужжатларининг умумий баҳоси — Ўзбекистон Республикаси резидентлари учун 150 000 сўм ва хорижий қорхоналар учун 150 АҚШ доллари миқдорида белгиланган.  
Тендер таклифлари 2008 йил 10 апрелдан 10 май, соат 17.00 гача қабул қилинади.

Манзил: Ўзбекистон Республикаси, 100070, Тошкент шаҳри, Ш. Руставели 1-берк кўчаси, 1-уй.  
Маълумот ва тендер ҳужжатларини олиш бўйича ҳар кун соат 9.00 дан 18.00 гача юқорида курсатилган манзилга ёки қуйидаги телефонлар орқали мурожаат қилиш мумкин: 8 10 998 (371) 236-27-82, 281-43-74. Факс: 8 10 998 (371) 281-43-73. E-mail: umtvs@uzpak.uz

Халқ сўзи Народное слово

Бош муҳаррир Ўткир РАҲМАТОВ

2008 йил 15 январда Ўзбекистон Матбуот ва ахборот агентлигида 0001-рақам билан рўйхатга олинган. Нашр индекси — 229. Буортма Г — 356. 37080 нуҳада босилди, ҳажми — 2 табоқ. Офсет усулида босилган. Қоғоз бичими А—2

ТЕЛЕФОНЛАР: Газетхоналар билан алоқа ва мизмақалар бўлими 233-52-55; Котибият 233-10-28; Эълонлар 236-09-25.

Газета таҳририят компьютер марказида терилди ҳамда операторлар Жамшед Тоғаев ва Муҳаммадали Бегмуратов томонидан саҳифаланди.

Т-Тижорат материал

МАНЗИЛИМИЗ: 100000, ГСП, Тошкент шаҳри, Матбуотчилар кўчаси, 32-уй. Навбатчи котиб — А. Орпшов. Навбатчи муҳаррир — А. Қўтбиддинов. Навбатчи — С. Ҳайдаров. Мусаҳҳих — Х. Тошқўжаев.

«Шарқ» нашриёт-матбаа акциядорлик компанияси босмақонаси. Қорхона манзили: «Буюк Турон» кўчаси, 41. ЎзА якуни — 21.20 Топширилди — 22.35 1 2 3 4 5 6 7